

bezalt hat und 6 ß schuldig bleybet zu bezalen uff Michaelis schirst komen. Den agker Hansz uffggeben hat mit eyn czeichen und gebetin, daz wir om den lihen sullen. Den haben wir Stargke Nickel zu erbe gelihen mit allen rechten, alz er om den vorkaufft und uffgelaszin hat anno quo supra.

839.

1436 August 25

Die Stadt verpachtet die Badestube.

fol. 154r Actum sabbato post Bartholomei anno quo supra hat man Caspar Bader der stad stübe gelaszin dy woche umbe 6 gr 9 selbade sal^{a)} erhaldin und den armen luthin yns spital ein lammeszbuch gebin, alle wochin sal er syn czinsz geben.

a) folgt durchgestrichen man hald

840.

1436 Dezember 10

Johannes Proße verpflichtet sich, Schulden seiner Geschwister zu bezahlen.

fol. 154r Geschen am mantage vor Lucie virginis hat Johannes Prosze gekort, das er czwischzin den nehistin osterheyligin tagen sich syner gewistere gancz mechtigin wolle. Und wolle mit Füngkeln yn heyligin tagin vorkomen vor unsers herren vorweser und om do umbe sulche schult, alz er czu õn hat, noch ynhalt synir briffe, noch irkenthnise der vorweser, noch recht, ob es yn der sune nicht zu sunen mochte werden, gancze uzrichtung thun wolle und daryn vordir keyn om keyn behelff habin noch vorzog daryn machen, es wer denn, das dy vorweszir abslugen, des uff dy tageczit nicht gewarten konden, on^{a)} eyn andern tag leytin. Uff den tag sal er komen und deme an wydirrede folgin und nachkomen, alz obin geschr(ieben) stehit. Dy selbige kor hat Prosze keyn andirn iren schuldigern ouch vorkort und gereth, so zu haldin. Anno etc. XXXVI.

a) über die Zeile geschrieben, ersetzt durchgestrichen und

841.

1436 Dezember 15

Preel bekennt eine Schuld und regelt die Rückzahlung.

fol. 154v Actum sabbato ante vestum Thome apostoli hat Preel bekanth, das er Clubern schuldig sy 45 gr. Dy hat er gekort uzczurichtin 15 gr uff alle